

全

唐

诗



全唐詩目 第二册

第四册

張說 五卷

張均

張垠 共一卷

韋嗣立

魏奉古

崔日知

崔泰之

魏知古 共一卷

學政古井

韓國公

嘉慶

...

...

...

...

...

...

全唐詩

張說

張說字道濟一字說之洛陽人武后策賢良方正說所對第一授左補闕擢鳳閣舍人忤旨配流欽州中宗召還累遷工部兵部侍郎修文館學士睿宗拜爲中書侍郎知政事開元初進中書令封燕國公尋出刺相州左轉岳州召拜兵部尚書知政事敕令巡邊後爲集賢院學士尚書左丞相卒謚文貞說爲人敦氣義重然諾喜延納後進朝廷大述作多出其手與蘇頲號燕許大手筆謫岳州後詩益悽惋人謂得江山之助集三十卷內詩九卷今編詩五卷

唐封泰山樂章

唐書樂志曰開元十三年明皇封泰山祀天樂降神用豫和六變迎送皇帝用太和登歌奠玉

帛用肅和迎俎用雍和酌獻飲福並用壽和送文舞出迎武舞入用舒和終獻亞獻用凱安送神用豫和

豫和六首

挹泰壇紫

一作柴

泰清受天命報天成竦皇心薦樂聲志上

達歌下迎

億上帝臨下庭騎日月陪列星嘉視信大禧馨澹神心

醉皇靈

相百辟貢八荒九歌敘萬舞翔肅振振鏗皇皇帝欣欣

福穰穰

高在上道光明物資始德難名承眷命牧蒼生寰宇謚

泰階平

天道無親至誠與鄰山川遍禮宮徵惟新玉帛非盛聰
明會真正斯一德通乎百神
享帝享親維孝維聖緝熙懿德敷揚成命華夷志同笙
鏞禮盛明靈降止感此誠敬

皇時維嶺太和皇入皇皇朝建天子萬年

孝敬中發和容外彰騰華照寓如昇太陽貞璧就奠玄
靈垂光禮樂具舉濟濟洋洋

肅和

奠祖配天承天享帝百靈咸秩四海來祭植我蒼璧布
我玄製華日裴回神煙容裔

雍和

俎豆有馥粢盛絜豐亦有和羹既戒既平鼓鐘管磬肅
唱和鳴皇皇我祖來我思成

真跡唱天壽和

烝烝我后享獻惟寅躬酌鬱鬯跪奠明神孝莫孝乎配
上帝親敬莫敬乎教天下臣

壽和

皇祖嚴配配享皇天皇皇降嘏天子萬年

舒和

六鐘翕協六變成八佾徜徉八風生樂九歌兮神人感
美七德兮天地清

凱和

烈祖順三靈文宗威四海黃鉞誅羣盜朱旗掃多罪踐
兵天下安約法人心改大哉千羽意長見風雲在

豫和

禮樂終禋燎上懷靈惠結皇想歸風疾回風爽百神來
眾神往

唐享太廟樂章

唐書樂志曰明皇開元七年享太廟樂迎神用
永和皇帝行用太和登歌酌瓚用肅和迎俎用

雍和皇帝酌醴齊用文舞獻官皇帝用光大舞光皇帝用長發舞景皇
帝用大政舞元皇帝用大成舞高祖用大明舞太宗用崇德舞高宗用
鈞天舞中宗用大和舞睿宗用景雲舞皇帝飲福受服用福和送文舞
出迎武舞入用舒和亞獻終獻行事武舞用凱安撤豆用登歌送神用
永和按景皇帝舊用大
甚至是以改用大政云

永和 三首

肅九室諧八音歌皇慕動神心禮宿設樂妙尋聲明備

裸奠臨

律逐氣音入玄依玉几御黼筵聆愾息優周旋九韶徧
百福傳

信工祝永頌聲來祖考聽和平相百辟貢九瀛神休委
帝孝成

太和

時文聖后清廟肅邕致誠勤薦在貌思恭玉節肆夏金
鏘五鐘繩繩雲步穆穆天容

肅和

天子享孝工歌溥將射裸鬱鬯乃焚膋薌臭以達旨聲
以求陽奉時烝嘗永代不忘

雍和二首

在滌嘉泰麗碑敬牲角握之牝色純之駢火傳陽燧水
漑陰精太公胖俎傳說和羹

俎豆有馥齊盛絜豐亦有和羹既戒既平鼓鐘管磬肅
唱和鳴皇皇后祖來我思成

此首與封泰山樂章雍和同

文舞

聖謩九德真言五千慶集昌胄符開帝先高文杖鉞克
配彼天三宗握鏡六合渙然帝其承祀率禮罔愆圖書
霧出日月清懸舞形德類詠諡功傳黃龍蜿螭彩雲躡
躡五行氣順八佾風宣介此百祿於皇萬年

光大舞

肅肅藝祖滔滔濬源有雄王劍作鎮金門玄王貽緒后
稷謀孫肇禋九廟四海來尊

長發舞

具禮崇德備樂承風魏推幢主周贈司空不行而至無
成有終神興王業天歸帝功

大政舞

於赫元命權輿帝文天齊八柱地半三分宗廟觀德笙
鏞樂勲封唐之兆成天下君

大成舞

帝舞季歷龍聖生昌后歌有蟠胎炎孕黃天地合德日
月齊光肅雍孝享祚我萬方

大明舞

赤精亂德四海困窮黃旗舉義三靈會同早望春雨雲
披大風溥天來祭高祖之功

崇德舞

皇合一德朝宗百神削平天地大拯生人上帝配食單
于入臣戎歌陳武曄曄震震

鈞天舞

高皇邁道端拱無爲化懷獯鬻兵賦句驅禮尊封禪樂
盛來儀合位媧后同稱伏羲

大和舞

退居江水鬱起丹陵禮物還舊朝章中興龍圖友及駿

命恭膺鳴球香瓚大禧是承

景雲舞

景雲霏爛告我帝符噫帝冲德與天爲徒笙鏞遙遠俎
豆虛無春秋孝獻回復此都

福和

備禮用樂崇親致尊誠通慈降敬徹愛存獻懷稱壽啐
感承恩皇帝孝德子孫千億大包天域長亘不極

舒和

六鐘翕協六變成八佾徜徉八風生樂九韶兮人神感

美七德兮天地清

此首與封泰山
樂章舒和同

凱安三首

瑟彼瑤爵亞維上公室如屏氣門不容躬禮殷其本樂
執其中聖皇永慕天地幽通

禮匝三獻樂徧九成降祈軒陛仰欵皇情福與仁合德
因孝明百年神畏四海風行

總總千戚填填鼓鐘奮揚增氣坐作為容離若鷺鳥合
如戰龍萬方觀德肅肅邕邕

登歌

止笙磬撤豆籩廓無響宵入玄主在室神在天情餘慕
禮罔愆喜黍稷屢豐年

永和

眇嘉樂授靈爽感若來思如往休氣散回風上返寂寞

還惚恍懷靈駕結空想

以收卦林

...

...

...

其年

...

...

...

...

...

...

全唐詩

張說

奉和聖製賜諸州刺史應制以題坐右

文明遍禹跡，寡達堯心正。在親人守能，令王澤浚朝。
廷多秀士鎔鍊比，精金犀節同。分命熊軒各，外臨聖主
賦新詩。穆若聽薰琴，先言教爲本。次言則是欽，三時農
不奪。午夜犬無侵，願使天宮內。品物遂浮沈，寄情羣飛
鶴。千里一揚音，共躡華胥夢。龔黃安足尋。

奉和聖製送宇文融安輯戶口應制

至德臨天下，勞情遍九圍。念茲人去本，蓬轉將何依。
外避征戍數，內傷親黨稀。嗟不逢明盛，胡能照隱微。
柏臺

簡行李蘭殿錫朝衣別曲動秋風恩令生春輝使出四海安詔下萬心歸忤非夔龍佐徒歌鴻雁飛

奉和聖製過晉陽宮應制

太原俗尚武高皇初奮庸星軒三晉躔土樂一作堯封

北風遂舉鵬西河亦上龍至德起王業繼明賴人雍六

合啓昌期再興廣聖蹤傳呼大駕來文物如雲從連營

火百里縱觀人千重翠華渡汾水白日臨翠一作峰粉榆

恩賞洽桑梓舊情恭往運感不追清時惜難逢詩發尊

祖心頌荆盛德容願君及春事迴輿綏萬邦

奉和聖製行次成臯

太宗擒竇建德處

應制

夏氏階隋亂自言河朔雄王師進穀水兵氣臨山東前

掃成臯陣却下洛陽宮
義合帝圖起威加天寓
同軒臺百年外虞典一
巡中戰龍思王業倚馬
賦神功

奉和聖製溫湯對雪應制

瑞雪帶寒風寒風入陰
館陰館方凝閉寒風復
淒斷宮似瑤林匝庭如
月華滿正賡一作挾纒詞非
近溫湯一作暖

奉和聖製義成校獵喜雪應制

文教資武功郊畋閱邦
政不知仁育以徒看禽
獸盛夜霰氛埃滅朝日
山川淨綽仗飛走繁抨
絃筋角勁帝射參神道
龍馳合人性五豨連一
發百中皆先命勇爵均
萬夫雄圖羅七聖星爲
吉符老雪作豐年慶喜
聽行獵詩威神入軍令

清明日詔宴寧王山池賦得飛字

今日清明宴佳境惜芳菲搖揚花雜下嬌囀鴛亂飛綠
渚傳歌榜紅橋度舞旂和風偏應律細雨不霑衣承恩
如改火春去春來歸

四月十三日詔宴寧王亭子賦得好字

何許承恩宴山亭風日好綠嫩鳴鶴洲陰穠鬪雞道果
思夏來茂花嫌春去早行樂無限時皇情及芳草

藥園宴武輅沙將軍賦得洛字

東第乘餘興南園宴清洛文學引鄒枚歌鐘陳衛霍風
高大夫樹露下將軍藥待聞出塞還丹青上麟閣

修書院學士奉敕宴梁王宅賦得樹字

虎殿成鴻業猿巖題鳳賦既荷大君恩還蒙小山遇秋
吹迎絃管涼雲生竹樹共惜朱邱歡無辭洛城暮

夕宴房主簿舍 并序

旅聽清館崇岧巖鑰巖雲暗山微月白夜悄羣動
之俱息感孤鴻之遠音有美房公霞海其量友我
以絲竹好我以樽俎紆蘊結之雅懷豁幽曠之陳

意滿堂既醉因賦是詩

歲晏關雍空風急河渭冰薄遊羈物役微尚愜遠憑旅
館月宿永閉扁雲思興伊人美修夜朋酒惠來稱交談
既清雅琴吹亦淒凝不逢君蹇澗幽意長鬱蒸

行從方秀川與劉評事文同宿

方秀美盤遊頻年降天旱水共伊川接山將闕門斷捧
日照恩華攀雲引疲散野宿霜入帳孤衾寒不暖靜聞
宮漏疎臥視庭月滿開爐命溫酌中夜發清管風送關
山長氣適星歲短寓言情思愜適興真意坦寰中病羈
掛方外嫌縱誕願君樂盛時無嗟帶纒緩

送郭大夫元振再使吐蕃

犬戎廢東獻漢使馳西極長策問酋渠一作阻自夷殛

容髮徂邊歲旌裘敝海色五年一見家妻子不相識武
庫兵猶動金方事未息遠圖待才智苦節輸筋力脫刀
贈分手書帶加餐食知君萬里侯立功在異域

送李侍郎迥秀薛長史季昶同賦得水字

漢郡接胡庭，幽并對烽壘。旌旗按部曲，文武惟卿士。
薛公善籌畫，李相威邊鄙。中冀分兩河，長城各萬里。
藉馬黃花塞，蒐兵白狼水。勝敵在安人，爲君汗青史。

別平一師

王子不事俗，高駕眇難追。茅土非屑盼，傾城無樂資。
宴坐溪林中，三世同一時。皎皎獨往心，不爲塵網欺。
竭來已復去，今去何來思。迴首謝同行，勤會安請期。

送王光庭

同居洛陽陌，經日懶相求。及爾江湖去，言別悵悠悠。
楚雲眇羈翼，海月倦行舟。愛而不可見，徒嗟芳歲流。

新都南亭送郭元振盧崇道

一作盧崇道詩題云新
都南亭送郭大元振

竹徑女蘿蹊蓮洲文石隄靜深人俗斷尋玩往還迷碧
潭秀初月素林驚夕棲褰幌納蟾影理琴聽猿啼佳辰
改宿昔勝寄坐暎攜長懷賞心愛如玉復如珪

贈崔公

我聞西漢日四老南山幽長歌紫芝秀高臥白雲浮朝
野一作市光塵絕榛蕪年貌秋一朝驅駟馬連轡入龍樓昔
遜高皇去今從太子遊行藏惟聖節福禍在人謀卒能
匡惠帝豈不賴留侯事隨年代遠名與圖籍留平生欽
淳德慷慨景前修螭蛤一作想陰兔蛟龍望斗牛無嗟異
飛伏同氣幸相求

贈趙公

湘東股肱守心與帝鄉期舟楫中途蹇風波復來思嘉
我常聯翼金貂侍玉墀迹參前馬聖黃帝遇牧馬童
子稱天師而退名綴鬻
熊師寒暑一何速山川遠間之寧知洞庭上獨得平生
時精意微絕簡從權討妙棋林壑爲予請紛靄發華滋
流賞忽已散驚帆杳難追送君在南浦侘傺投此詞

贈趙侍御

祿放跡異端偏荒事同蹇苟忘風波累俱會雲壑踐險
式壓西湖僑廬對南峴夜樓江月入朝幌山雲捲山勢
遠濤連江塗斜漢轉坐嘯予多暇行吟子獨善並轡躡
郊郭方舟玩遊演虛聲萬籟分水色千里辨不知岸陰
謝再見春露泣綠壤發欣顏華年助蟲篆上世時難接

古人情可選，泊渚煩爲媒。多才怨成編，長沙鵬作賦。任道可知淺，請從三已心。榮辱兩都遣。

答李伯魚桐竹

結廬桐竹下，室邇人相浚。接垣分竹徑，隔戶共桐陰。落花朝滿岸，明月夜披林。竹有龍鳴管，桐留鳳舞琴。竒聲與高節，非吾誰賞心。

寄姚司馬

共君春種瓜，本期清夏暑。瓜成人已去，失望將誰語。裛露摘香園，感味懷心許。偶逢西風便，因之寄鄂渚。

代書答姜七崔九

婀娜金閨樹，離披野田草。雖殊兩地榮，幸共三春好。花

殊鳥飛處葉鏤蟲行道真心獨感人惆悵令人老

代書寄吉十一

一雁雪上飛值我衡陽道口銜離別字遠寄當歸草目
想春來遲心驚寒去早憶鄉乘羽翮慕侶盈懷抱零落
答故人將隨江樹老

代書寄薛四

孤雁東飛來寄我紋與素紋足經三象素當綜羣務遠
見故人心一言重千金答之綵毛翰繼以瑤華音歲寒
衆木改松柏心常在

過蜀道山

我行春三月山中百花開披林入峭嶺攀磴陟崔嵬白

雲半峰起清江出峽來誰知高深意緬邈心幽哉

蜀路二首

雲埃夜澄廓山日曉晴鮮葉落蒼江岸鴻飛白露天磷
磷含水石冪冪覆林煙客心久無緒秋風殊未然

徭蜀時未改別家鄉念盈憶昨出門日春風發鮮榮及
茲旋轉地秋風滿路生昏曉思魏闕夢寐還秦京秦京
開朱第魏闕垂紫纓幽獨玄虛閣不聞人馬聲藝業爲
君重名位爲君輕玉琴知調苦一作古寶鏡對膽清鷹飢常
啄腥鳳飢亦待瓊於君自有屬物外豈能輕

再使蜀道

眇眇葭萌道蒼蒼褒斜谷煙壑爭晦深雲山共重複古

來風塵子同盱望鄉目芸閣有儒生輶車倦馳逐青春
客岷嶺白露搖江服歲月鎮羈孤山川俄反覆魚遊戀
淡水鳥遷戀喬木如何別親愛坐去文章國蟋蟀鳴戶
庭蠨蛸網琴筑

江路憶郡

霧斂江早明星翻漢將沒臥聞峽猿響起視榜人發倚
棹攀岸篠憑船弄波月水宿厭洲渚晨光屢揮忽林澤
來不窮煙波去無歇結思笙竽里搖情遊俠窟年貌不
暫留歡愉及玄髮雲涓戀山海禽馬懷燕越自非行役
人安知慕城闕

過漢南城歎古墳

舊國多陵墓荒涼無歲年
洶湧蔽平岡汨若波濤連上
世千金子潛臥九重泉
松柏剪無餘碑記滅罔傳葬於
不毛地咸謂楚先賢事盡情可識
使人心悵然

宋下
至尉氏

夕次阮公臺嘯歌臨爽塏
高名安足賴故物今皆改
吾兄昔茲邑遺愛稱賢宰
桑中雉未飛屋上烏猶在
途逢舊毗吏城有同寮
窠望塵遠見迎一作遠見咸相迎
拂館來欣待

慈惠留千室友于存四海
始知魯衛間優劣相懸倍

襄州景空寺題融上人蘭若

高名出漢陰禪閣跨香岑
衆山旣圍繞長川復迴臨
雲峰曉靈變風木夜虛吟
碧湫龍池滿蒼松虎徑深
舊知

青巖意偏入杳冥一作冥會心何由侶飛錫從此脫朝簪

巡邊在河北作

撫劒空餘勇彎弧遂無力老去事如何據鞍長歎息故
交索將盡後進稀相識獨憐半死心尚有寒松直

入海二首

乘桴入南海海曠不可臨茫茫失方面混混如凝陰雲
山相出沒天地互浮沈萬里無涯際云何測廣濶潮波
自盈縮安得會虛心

海上三神山逍遙集衆仙靈心豈不同變化無常金龍
伯如人類一釣兩鰲連一作懸金臺此淪沒玉真時播遷問

子勞何事江上泣經年際中生紅草所美非美然

相州山池作

嘗懷謝公詠山水陶嘉月及此年事衰徒看衆花發觀
魚樂何在聽鳥情都歇星漢流不停蓬萊去難越鄴中
秋麥秀淇上春雲沒日見塵物空如何靜心闕

岳州作

夜夢雲闕間從容簪履列朝遊洞庭上緬望京華絕潦
收江未清火退山更熱重欵視欲醉懵滿氣如噎器留
魚鼈腥衣點蚊蚩血髮白思益壯心玄用彌拙冠劔日
苔蘚琴書坐廢撤唯有報恩字刻意長不滅

岳州行郡竹籬

山郡不溝郭荒居無翳壅愛人忘主利善守閑爲勇苟

非小勤瘁安得期逸寵版築恐土疎襄城嫌役重藩柵
聊可固筠篁近易奉差池截浦沙繚繞緣隈壠矗似長
雲亘森如高戟聳預絕豺狼憂知免牛羊恐閭里寬矯
步榛藜恣踏踵始果遊處心終日成閑棋

遊洞庭湖湘

緬邈洞庭岫蔥蒙水霧色宛在太湖中可望不可即剖
竹守窮渚開門對奇域城池自繫籠纓綬爲徽纒靡日
不思往經時始願克飛棹越溟波維舟恣攀陟窳窳入
雲步崎嶇倚松息巖壇有鶴過壁字無人識滴石香乳
溜垂崖靈草植玩幽輕霧阻討異忘曛逼寒沙際水平
霜樹籠煙直空宮聞莫覩地道窺難測此處學金丹何

人生羽翼誰傳九光要幾拜三仙職紫氣徒想像清潭
長眇默霓裳若有來觀我雲峰側

澧湖山寺

楚老遊山寺提攜觀畫壁揚袂指辟支睽眄相關閱險
哉透撞兒千金賭一擲成敗身自受傍人那歎息

出湖寄趙冬曦

西泛平湖盡參差入亂山東瞻岳陽郡汗漫太虛間窘
步同行樂道文互屢看山戍上雲桂江亭臨水關川途
倏忽間風景依如昨湘浦未賜環荆門猶主諾何時與
美人一作得載酒遊宛洛

岳陽早霽南樓

山水佳新霽南樓玩初旭夜來枝半紅雨後洲全綠四

運相終始萬形紛代續適臨青草湖再變一作鼓黃鸞曲地

穴穿東武江流下西蜀歌聞枉渚瀟舞見長沙促心阻

意徒馳一作心遠 居無陋神和生自足白髮悲上春知常謝先一作无

欲一作无岳陽石門墨山二山相連有禪堂一作道觀天下絕

境一作无困輪江上山近在華容縣常涉巴丘首天晴遙可見佳

遊屢前諾芳月愆幽眷及此符守移歡言臨道便既攜

賞心客復有送行掾竹徑入陰窅松蘿上空蒨草共林

一色雲與峰萬變探窺石門斷緣越沙澗轉兩山勢爭

雄峰獻相顧，眄藥妙靈仙。寶境華巖壑，選清都西淵。絕
金地東敞，宴池果接園。畦風煙繭臺，殿高尋去石。頂曠
覽天宇，遍千山。紛滿目百川，豁對面騎來。雲氣迎人去，
鳥聲戀長揖。桃源士舉世同企羨。

和尹忬秋夜遊滄湖

坐嘯人事閑，佳遊野情發。山門送落照，湖口昇微月。林
尋猿狖居，水戲黿鼉穴。朔風吹飛雁，芳草亦云歇。

五君詠五首

并序
連志美類刺異感義哀事顏氏之心也擬焉

魏齊公元忠

齊公生人表，迥天聞鶴唳。清論早揣摩，玄心晚超詣。入

相廊廟靜出軍沙漠霽見深
呂祿憂舉後陳平計甘心
除君惡足以報先帝

蘇許公瓌

許公信國楨克美具瞻情
百事資朝問三章廣世程
處高心不有臨節自爲名
朱戶傳新戟青松拱舊塋
淒涼丞相府餘慶在玄成

李趙公嶠

李公實神敏才華乃天授
睦親何用心處貴不忘舊
故事遵臺閣新詩冠宇宙
在人忠所奉惡我誠將宥
南浦去莫歸嗟嗟孫秀

郭代公元振

代公舉鵬翼懸飛摩海霧志康天地屯適與雲雷遇興
喪一言決安危萬心注大勳書王府舛一作命淪江路勢
傾北夏門哀靡東平樹

趙耿公彥昭

耿公山嶽秀

一作靈

才傑心

一作思

亦妙鷲鳥峻標立哀

一作良玉

扣一作振

清調協贊休明啓恩華日月照何意瑤臺雲風吹

落江徼湘流下潯陽灑淚一投弔

遊龍山靜勝寺

每上襄陽樓遙望龍山樹鬱第吐岡嶺微蒙在煙霧下
車歲已成飾馬閑一作閑餘步苦霜衰野草愛日揚江煦雲
對石上塔風吹一作松下路禪室宴三空神祠同一作圖六趣

兒童共戲謔猿鳥相驚顧南識桓公一作桓山臺北望先賢墓
世上人何在時聞心不住但傳無盡燈可使有情悟

柱觀

舊說江陵觀初疑神化來空山結雲閣綺靡隨風回奈
何任一柱斯焉容衆材奇功非長世今餘草露臺

登九里臺是樊姬墓

楚國所以霸樊姬有力焉不懷沈尹祿誰諳一作進叔敖賢

萬化茫無在孤墳獨巋然北分陽臺陌南識郢城阡漠
漠渚宮樹蒼蒼雲夢田登高形勝出訪古今名傳自我
來符守因君樹蕙荃詩書將變俗締纊忽彌年志闡一作闡
三折後愁值二毛前佇立帝京路遙心寄此篇

過懷王墓

伊嘍

一作
嗚伊

不可信以

一作

此敗懷王客死堯關路返葬岐江

陽啼狄抱山月飢狐獵野霜一聞懷沙事千載盡悲涼

聞雨

多雨絕塵事寥寥入太玄城陰疎復合簷滴斷還連念
我勞造化從來五十年悞將心徇物近得還自然閑居
草木侍虛室鬼神憐有時進美酒有時泛清絃聲真不
世識心醉豈言詮

夜坐

懷哉四壁時未有五都價百金誰見許斗酒難為賞落
花生芳春孤月皎清夜復逢利交客題戶遙相謝

山夜聞鐘

夜臥聞夜鐘，夜靜山更響。霜風吹寒月，窸窣虛中上。前聲既春容，後聲復晃盪。聽之如可見，尋之定無像。信知本際空，徒掛生滅想。

冬日見牧牛人擔青草歸

塞上綿應折，江南草可結。欲持梅嶺花，遠競榆關雪。日月無他照，山川何頓別。苟齊兩地心，天問將安說。

詠鏡

寶鏡如明月，出自秦宮樣。隱起雙螭龍，銜珠儼相向。常恐君不察，匣中委清量。積翳掩菱花，虛心蔽塵狀。倘蒙羅袖拂，光生玉臺上。

詠瓢

美酒酌懸瓢真淳好相映蝸房卷隨首鶴頸抽長柄雅
色素而黃虚心輕且勁豈無雕刻者貴此成天性

雜詩四首

抱薰心常焦舉旆心常搖天長地自久歡樂能幾朝君
看西陵樹歌舞爲誰嬌

山門苦積雨水落悲時遽賞心凡幾人良辰在何處觸
石滿堂侈灑我終夕慮客鳥懷主人銜花未能去剖珠
貴分明琢玉思堅貞要君意如此終始莫相輕

問子青霞意何事留朱軒自言心遠俗未始迹辭喧過
蒙良時幸側息更途煩簪纓非宿好文史棄前言夕臥

北窗下夢歸南山園白雲慙幽谷清風愧泉源十年茲
賞廢佳期今復存掛冠謝朝侶星駕別君門
默念羣疑起玄通百慮清初心滅陽豔復見湛虛明悟
滅心非盡求虛見後生應將無住法修到不成名

和張監遊終南

宿懷終南意及此語雲峰夜聞竹澗靜曉望林嶺重春
煙生古石時鳥戲幽松豈無山中賞但畏心莫從

古泉驛

於陵仲子宅也

昔聞陳仲子守義辭三公身賃妻織屨樂亦在其中豈
無窮賤苦羞與傾巧同長白臨河上於陵入濟東我行
弔遺跡感歎古泉空

河上公

尊師厭塵去精魄知何明形氣不復生一作往弟子空傷情

濟北神如在淮南藥未成共期終莫遂寥落兩無成一作名

奉和聖製初入秦川路寒食應制

上陽柳色喚春歸臨渭桃花拂水飛總為朝廷巡幸去

頓教京洛少光輝一作汾昨從分陝一作峽山南口馳道依依漸花

柳入關正投寒食前還京遂落清明後路上天心重豫

遊御前恩賜特風流便幕那能饑雞子行宮善巧帖毛

毬渭橋南渡花如撲麥隴青青一作草斷人目漢家行樹直

新豐秦地驪山抱温谷香池春溜水初平預歡浴日照

京城今歲隨宜過寒食明年臨宴作清明

時樂鳥篇 并序

伏見天恩以靈異鸚鵡及能延京所述篇出示朝
列臣按南海異物志有時樂鳥鳴云太平天下有
道則見驗其圖丹首紅臆朱冠綠翼鸞領文背糅
以五色今此鳥本南海貢來與鸚鵡狀同而毛尾
全異其心聰性辨護主報恩固非凡禽實瑞經所
謂時樂鳥延京雖敘其事未正其名望編國史以
彰聖瑞臣竊同延京獻詩一首

舊傳南海出靈禽時樂名聞不可尋形貌乍同鸚鵡類
精神別稟鳳皇心千年待聖方輕舉萬里呈才無伴侶
紅茸糅繡好毛衣清泠謳鷗好言語內人試取御衣牽

全唐詩
啄手暝聲不許前。心願陽鳥恒保日。志嫌陰鶴欲凌天。
天情玩訝良無已。察圖果見祥經裏。本持符瑞驗明王。
還用文章比君子。自憐弱羽詎堪珍。喜共華篇來示人。
人見嚶嚶報恩鳥。多慙碌碌具官臣。

安樂郡主花燭行

青宮朱邸翊皇闈。玉葉瓊蕤發紫微。姬姜本來舅甥國。
卜筮俱道鳳皇飛。星昴殷冬獻吉日。天桃穠李遙相匹。
鸞車鳳傳王子來。龍樓月殿天孫出。平臺火樹連上陽。
紫炬紅輪十二行。丹爐飛鐵馳炎焰。炎霞爍電吐明光。
綠軒一作屏紺幟紛如霧。節鼓清笳前啓路。城隅靡靡稍東
還。橋上鱗鱗轉南渡。五方觀者聚中京。四合塵煙漲洛

城。商女香車珠結網。天人寶馬玉繁纓。百壺淥酒千斤
肉。大道連延障錦軸。先祝聖人壽萬年。復禱宜家承百
祿。珊瑚刻盤青玉尊。因之假道入梁園。梁園山竹凝雲
漢。仰望高樓在天半。翠幕蘭堂蘇合薰。珠簾掛戶水波
紋。別起芙蓉織成帳。金縷鴛鴦兩相向。罽茵飾地承瑤
履。花燭分階移錦帳。織女西垂隱燭臺。雙童連縷合歡
杯。藹藹綺庭嬪從列。娥娥紅粉扇中開。黃金兩印雙花
綬。富貴婚姻古無有。清歌棠棣美王姬。流化鄴人正夫
婦。

離會曲

何處送客洛橋頭。洛水泛泛中行舟。可憐河樹葉萎蕤。

關關河鳥聲相思。街鼓喧喧日將夕。一作云去棹歸軒兩相迫。何人送客。故人情。故人今夜何處客。

鄴都引

君不見魏武草創爭天祿。羣雄睚眦相馳逐。晝攜壯士破堅陣。夜接詞人賦華屋。都邑繚繞西山陽。桑榆汗漫漳河曲。城郭爲虛人代改。但有西園明月在。鄴傍高塚多貴臣。娥眉一作曼睜共灰塵。試上銅臺歌舞處。唯有秋風愁殺人。

城南亭作

珂馬朝歸連萬石。稍門洞啓親迎客。北堂珍重琥珀酒。庭前列肆茱萸席。長袖遲回意緒多。清商緩轉日騰波。

舊傳比翼侯家舞。新出將雛主第歌。漢家絳灌餘兵氣。
晉代浮虛安足貴。正逢天下金鏡清。偏加日飲醇醪意。
誰復遨遊不復歸。閑庭莫畏不芳菲。會待城南春色至。
竟將花柳拂羅衣。

會稽。同趙侍御乾湖作

江南湖水咽山川。春江溢入共湖連。氣色紛淪橫罩海。
波濤鼓怒上漫天。鱗宗殼族嬉爲府。弋叟眾師利焉聚。
欹帆側柁弄風口。赴險臨深繞灣浦。一灣一浦悵迴迴。
千曲千澹恍迷哉。乍見靈妃含笑往。復聞遊女怨歌來。
暑來寒往運涸洑。潭生水落移陵谷。雲間墜翮散泥沙。
波上浮查棲樹木。昨暮飛霜下北津。今朝行雁度南濱。

處處溝洫清源竭。年年舊葺白頭新。天地盈虛尚難保。
人間倚伏何須道。秋月晶晶泛澄瀾。冬景青青步纖草。
念君宿昔觀物變。安得躊躇不衰老。

巡邊在河北作

去年六月西河西。今年六月北河北。沙場磧路何爲爾。
重氣輕生知許國。人生在世能幾時。壯年征戰髮如絲。
會待安邊報明主。作頌封山也未遲。

贈崔二安平公樂世詞

十五紅粧侍綺樓。朝承握槊夜藏鉤。君臣一意金門寵。
兄弟雙飛玉殿遊。寧知宿昔恩華樂。變作瀟湘離別愁。
地濕莓苔生舞袖。江聲怨歎入箜篌。自憐京兆雙眉嫵。

會待南來五馬留

送尹補闕元凱琴歌

公善琴

鳳哉鳳哉啄琅玕飲瑤池棲崑崙之山哉中國有聖人
感和氣飛來飛來自歌自舞先王冊府麒麟之臺羈雌
衆雛故山曲其鳴喈喈其鳴喈喈欲往銜之歟去來去
別鸞鳳心徘徊明年阿閣梧桐花葉開羣飛鳳歸來羣
飛鳳歸來

送考功武員外學士使嵩山署舍利塔

懷玉泉戀仁者寂滅真心不可見空留影塔嵩巖下寶
王四海轉千輪金曇百粒送分身山中二月娑羅會虛
唄遙遙愁思人我念過去微塵劫與子禪門同正法雖

在神仙蘭省間。常持清淨蓮花葉。來亦好。去亦好。子觀
車行馬不移。當見菩提離煩惱。

遙同蔡起居偃松篇

清都衆木總榮芬。傳道孤松最出羣。名接天庭長景色
氣連宮闕借氛氲。懸池的的停華露。偃蓋重重拂瑞雲。
不借流膏助仙鼎。願將楨榦捧明君。莫比冥靈楚南樹
朽老江邊代不聞。

全唐詩

張說

奉和聖製登驪山矚眺應制

寒山上半空臨眺盡寰中是日巡遊處晴光遠近同川
明分渭水樹暗辨新豐巖壑清音暮天歌起大風宮書
奉和聖製幸白鹿觀應制

洞府寒山曲天遊日旰迴披雲看石鏡拂雪上金臺竹
徑龍驂下松庭鶴鸞來雙童還獻藥五色耀仙材

奉和聖製送金城公主適西蕃應制

青海和親日潢星出降時戎王子婿寵一作禮漢國舅家慈

春野開離讌雲天起別詞空彈馬上曲詎減鳳樓思一作悲

奉和同皇太子過慈恩寺應制二首

翼翼宸恩永煌煌福地開
離光升寶殿震氣繞香臺
上界幡花合中天伎樂一作日月來
願君無量壽仙樂屢徘徊
朗朗神居峻軒軒瑞象威
聖君成願果太子拂天衣
至樂三靈會深仁四皓歸
還聞潑水曲更繞白雲飛

侍宴武三思山第應制賦得風字

梁王池館好曉日鳳樓通
竹町羅衣衛蘭筵降兩宮
清歌芳樹下妙舞落花中
臣覺筵中聽還如大國風

奉和聖製過寧王宅應制

進酒忘憂觀簫韶喜降臨
帝堯敦族一作睦禮王季友兄心
竹院龍鳴笛梧宮鳳遶林
大風將小雅一字盡千金

奉和聖製同玉真公主過大哥山池題石壁應

制

綠竹初成苑丹砂欲化金乘龍與驂鳳歌吹滿山林爽

氣凝情一作波迥寒光映浦深忘憂題此觀為樂賞同心

奉和聖製賜王公千秋鏡應制

寶鏡頒神節凝規寫聖情千秋題作字長壽帶為名以長綬為

壽之義帶取長月向天邊下花從日裏生不承懸象意誰辨照心

明

奉和聖製經鄒魯祭孔子應制

孔聖家鄒魯儒風藹典墳龍驂迴舊宅鳳德詠餘芬入

室神一作人如在升堂樂似聞懸知一王法今日待明君

侍宴蘘荷亭應制

回鑿青嶽觀，帳殿紫煙峰。仙路迎三鳥，雲衢駐兩龍。

林看化一作故塔壇，識餘封。山外聞簫管，還如天上逢。見劉

向九辨惜賢篇
兩龍出山海經

侍宴滌水賦得濃字

千行發御柳，一葉下仙筇。青浦宸遊至，朱城佳氣濃。雲

霞交暮色，草樹喜春容。藹藹天旗轉，清笳入九重。

奉和聖製同劉晃喜雨應制

青氣含春雨，知從岱嶽來。行雲避師出，灑雨待車迴。厭

浥塵清道空，濛柳映臺最。宜三五夜，晴月九重開。

奉和聖製觀拔河俗戲應制

今歲好拖鉤橫街敞御樓長繩繫日住貫索挽河流鬪
力頻催鼓爭都更上籌春來百種戲天意在宜秋

奉和聖製途次陝州應制

周召嘗分陝詩書空復傳何如萬乘睠追賞二南篇郡
帶洪河側宮臨大道邊洛城將日近佳氣滿山川

奉和聖製野次喜雪應制

寒更玉漏催曉色御一作前開決漭雲陰積氤氳風雪迴

山知銀作甕宮見壁成臺欲驗豐年象飄搖仙藻來

奉和聖製溫泉言志應制

温谷嬌新豐驪山橫半空湯池薰水殿翠木暖煙宮起
疾逾仙藥無私合聖功始知堯舜德心與萬人同

皇帝降誕日集賢殿賜宴

仲秋金帝起五日土行昭一作標瑞表壬寅露光傳甲子宵

陰風吹大澤夢日照昌朝不獨華封老千年喜祝堯

晦日詔宴永穆公主亭子賦得流字

堂邑山林美朝恩晦日遊園亭含淑氣竹樹遶春流舞

席千花妓歌船五彩樓羣歡與王澤歲歲滿皇州

恩制賜食於麗正殿書院宴賦得林字

東壁圖書府西園一作垣翰墨林誦詩聞國政講易見天心

位竊和羹重恩叨醉酒深緩一作載歌春興曲情竭爲知音

羽林恩召觀御書王太尉碑

隴首名公石來承聖札歸魚龍生意態鉤劒動鎡輝字

得神明保詞慙少女徽誰家羽林將又逐鳳書飛

東都醮宴四首

并序

先天元祀孟冬十月東都留守韋公夤奉聖朝述
宣嘉旨乃合洛京之五省招河伊之二縣將吏咸
集佩章有序鏘鏘濟濟侃侃閭閻供張于興教之
門式醮宴也原夫樂生于心非因結風之奏和達
于氣無待陽春之節蓋澤之所及也深則情之所
感者遠國家天地一統君臣百年朝榮舊德之序
野賴先疇之業玄化漸漬洪恩旣久太上功德不
宰夏后命子之初皇帝孝理無爲漢祖事親之日
生堯舜于天屬見文武于同時前古未逢斯人何

幸是日六樂振作萬舞苒弱鳥獸徘徊士女踴躍
則知衆庶觀德之所樂也旨酒絡繹大庖燔炙芳
溢風煙醉流阡陌又知衣冠之所適也由近而視
遠萬國之慶皆然自明而察幽三靈之欣可接若
夫吟詠德澤播越人聲斯固雅頌之餘波政教之
遺美凡我詞客安敢闕如賦詩展事垂列于後

重華昇寶曆軒帝眇閑居政成天子孝俗返上皇初忘
味因觀樂歡心寄合醑自憐疲馬意戀戀主恩餘
朱城塵壺滅翠幕景情開震震靈鼉起翔翔舞鳳來雕
盤裝草樹綺乘結樓臺共喜光華日酣歌捧玉杯

曉月調金闕一作鼓朝暎對玉盤爭舞羣鳥散關伎百花團

遇聖人知幸承恩物自歡
洛橋將舉燭醉舞拂歸鞍
愜宴惟今席餘歡殊未窮
入雲歌嫋嫋向日伎叢叢
駢管催酣興留關待曲終
長安若爲樂應與萬方同

道家四首奉敕撰

金壇啓曙闈真氣肅微微
落月銜仙竇初霞拂羽衣
香隨龍節下雲逐鳳簫飛
暫住蓬萊戲千年始一歸
窈窕流精觀深沉紫翠庭
金奩調上藥寶案讀仙經
作賦看神雨乘槎辨客星
祇應謝人俗輕舉託雲駟
金爐承道訣玉牒啓玄機
雲逐笙歌度星流宮殿飛
乘風嬉浩蕩窺月弄光輝
唯有三山鶴應同千載歸
道記開中籙真官表上清
焚香三鳥至煉藥九仙成
天

上靈書下空中妙伎迎迎來出煙霧渺渺戲蓬瀛

鳳樓尋勝地

西掖持醇酒東山就白雲
開軒綠池映命席紫蘭芬
舞度花爲伴鶯來管作羣
太平多樂事春物共氛氲

幽州夜飲

涼風吹夜雨蕭瑟動寒林
正有高堂宴能忘遲暮心
軍中宜劔舞塞上重笳音
不作邊城將誰知恩遇深

崔禮部園亭得深字

窈窕留清館虛徐步晚陰
水連伊闕近樹接夏陽深
柳蔓憐垂拂藤梢一作苗
愛上尋訝君軒蓋侶非復俗人心

送鄭大夫惟忠從公主入蕃

鳳吹遙將斷龍旗送欲還
傾都邀節使傳酌緩離顏
春磧沙連海秋城月對關
和戎因賞魏定遠莫辭班

送崔二長史日知赴潞州

東山懷臥理南省悵悲翁
共見前途促何知後會同
莫輕一筵宴明日半成空
况爾新離闕思歸迷夢中

同賀八送充公赴荊州

疇昔同聲友鶩飛出鳳池
風雲一蕩薄日月屢參差
此別黃葉下前期安可知
誰憐楚南樹不為歲寒移

餞唐州高使君

常時好閑獨朋舊少相過
及爾宣風去方嗟別日多
淮流春晚晚江海路蹉跎
百歲屢分散歡言復幾何

送王峻自羽林赴永昌令

將星移北洛神雨避東京爲負剛腸譽還追強項名白
雲向伊闕黃葉散昆明多謝弦歌宰稀聞桴鼓聲

同王僕射山亭餞岑廣武義得言字

聞道長岑令奮翼宰旅門長安東陌上送客滿朱軒琴
爵留佳境山池借好園茲遊恨不見別後綴離言

送任御史江南發糧以賑河北百姓

河朔人無歲荆南義廩開將興汎舟役必仗濟川才夜
月臨江浦春雲歷楚臺調飢坐相望繡服幾時回

送王尚一嚴巖二侍御赴司馬都督軍

漢掖通沙塞邊兵護草腓將行司馬令助以鐵冠威白

露鷹初下黃塵騎欲飛
明年春酒熟留酌二星歸

秋新送李問政河北簡兵

斗酒貽朋愛躑躅
出御溝依然四牡別
更想八龍遊密
親仕燕冀連年邇寇讐
因君閱河朔垂淚語幽州

送薛植入京

青組言從史鴻都
忽見求款言人向老
飲別歲方秋髩
髯長安陌平生是舊遊
何時復相遇宛在水中流

相州前池別許鄭二判官景先神力

數步圓塘水雙鴻
戢羽儀一飛喬木上一返故林垂澹
泊含秋景虛明抱夜規
無因留絕翰雲海意差池

岳州宴別潭州王熊二首

絲管清且哀一曲傾一杯氣將然諾重心向友朋開古
本無生意寒雲若死灰贈君芳杜草爲植建章臺

縉雲連省閣溝水遽西東然諾心猶在榮華歲不同孤
城臨楚塞遠樹入秦宮誰念三千里江潭一老翁

廣州蕭都督入朝過岳州宴餞得冬字

孤城抱大海節使往朝宗果是臺中舊依然水上逢京
華遙比日疲老颯如冬竊羨能言鳥銜恩向九重

岳州別姚司馬紹之制許歸侍

和玉悲無色長沙宦不成天從扇枕願人遂倚門情方
外懷司馬江東憶步兵問君棲泊處空嶺夜猿驚

送岳州李十從軍桂州

送客之江上其人美且才風波萬里濶故舊十年來
拔蛟隨斷弓張鳥自摧陽橋書落落驛馬定先回

岳州別趙國公王十一琚入朝

昔濫貂蟬長同承雨露霏今參魚鱉守望美洞庭歸浦
樹懸秋影江雲燒落輝離魂似征帆

一作旆
又作雁

恒往帝鄉飛

岳州別子均

離筵非燕喜別酒正銷魂念汝猶童孺嗟予隔遠藩
津亭拔心草江路斷腸猿他日將何見愁來獨倚門

端州別高六

異壤同羈竄途中喜共過愁多時舉酒勞罷或長歌
南海風潮壯西江瘴癘多於焉復分手此別傷如何

南中別蔣五岑向青州

老親依北海賤子棄南荒有淚皆成血無聲不斷腸此

中逢故友彼地送還鄉願作楓林一作江楓葉隨君度洛陽

南中別陳七李十日

二年共遊處一旦各西東請君聊駐馬看我轉征蓬晝

鷓愁南海離駒思北風何時似春雁雙入上林中

南中別王陵成崇

握手與君別岐路贈一言曹卿禮公子楚媪饋王孫條

爾生六翮翻飛戾九門常懷客鳥意會答主人恩

嶺南送使

秋雁逢春返流人何日歸將余去國淚灑子入鄉衣飢

狄啼相聚愁猿喘更飛南中不可問書此示京畿

幽州別陰長河行先

惠好文情重

一作惠愛
交十里

辛勤世事多荆南久為別薊北遠

來過寄目雲中鳥留歡酒上歌影移春復間遲暮兩如
何

和朱使欣道峽似巫山之作

江如曉天淨石似暮霞

一作
雲

張征帆一流覽宛若巫山陽

楚客思歸路秦人謫異鄉猿鳴孤月夜再使淚沾裳

和朱使欣二首

南土多為寇西江盡畏途山行阻篁竹水宿礙荏蒲使
越才應有征蠻力豈無空傳人贈劔不見虎銜珠

江勢連山遠天涯此夜愁霜空極天靜寒月帶江流思
起南征棹文高北望樓自憐如墜葉泛泛侶仙舟

過庾信宅

蘭成追宋玉舊宅偶詞人筆湧江山氣文驕雲雨神包
胥非救楚隨會反留秦獨有東陽守來嗟古樹春

盧巴驛聞張御史張判官欲到不得待留贈之

旅竄南方遠傳聞北使來舊庭知玉樹合浦識珠胎白

髮因愁改

一作

丹心

一作

託夢迴皇恩若再造爲憶不然灰

南中贈高六

北極辭明代南溟宅放臣丹誠由義盡白髮帶愁新鳥
墜炎洲氣花飛洛水春平生歌舞席誰憶不歸人

岳州山城

山城豐日暇，閉戶見天心。
東曠迎朝色，西樓引夕陰。
書觀千載近，學靜二毛深。
忽有南風至，吹君堂上琴。

和尹懋秋夜遊澠湖

澠湖佳可遊，旣近復能幽。
林裏棲精舍，山間轉去舟。
雁飛江月冷，猿嘯野風秋。
不是迷鄉客，尋竒處處留。

與趙冬曦尹悉子均登南樓

危樓瀉洞湖，積水照城一作南隅。
命駕邀漁火，一作父通家引鳳

雛。山晴紅藥匝，洲曉綠苗鋪。
舉目思鄉縣，春光定不殊。

遊澠湖上寺

湖上奇峰積，山中芳樹春。
何知絕世境，來遇賞心人。
清

舊巖前樂呦嚶鳥獸馴靜言觀聽裏萬法自成輪

晦日

晦日嫌春淺江浦看湔衣道傍花欲合枝上鳥猶稀共
憶浮橋晚無人不醉歸寄書題此日雁過洛陽飛

湘州九日城北亭子

西楚茱萸節南淮戲馬臺寧知沅一作湘水上復有菊花杯
亭帳憑高出親朋自遠來短歌將急景同使興情催

翻著葛巾呈趙尹

昔日接離倒今我葛巾翻宿酒何時醒形骸不復存忽
聞有嘉客躡步出閑門桃花春徑滿誤識武陵源

戲題草樹

忽驚石榴樹遠出渡江來戲問芭蕉葉何愁心不開微
霜拂宮桂淒吹掃庭槐榮盛更如此慚君獨見哀

昔騎山岳州贈廣平公宋大夫

亞相本時英歸來復國楨朝推長孺直野慕隱之清傳

節還閩嶂皇華

一作思

入漢京寧思江上老歲宴獨

一作寒

無成

和魏僕射還鄉

富貴還鄉國光華滿舊林秋風樹不靜君子歎何深故

老空懸劔鄰交日

一作自

散金衆芳搖落盡獨有歲寒心

和張監觀赦

日御臨雙闕天街儼百神雷茲

一作舒

作解氣歲復建寅春

喜候開星驛歡聲發市人金環能作賦來入管弦聲

寄天台司馬道士金粟精軒題來人曾致書
世上求真客天台去不還傳聞有仙要夢寐在茲山朱
闕青霞斷瑶堂紫月閑何時在飛鶴笙吹接人間

天明江霧歇洲浦棹歌來綠水逶迤去青山相向開城
臨蜀帝祀雲接楚王臺舊知巫山上遊子共徘徊

還至端州驛前與高六別處

舊館分江日一作悽然望落暉相逢傳旅食臨別換征衣

昔記山川是今傷人代非往來皆此路生死不同歸

四月一日過江赴荊州

春色沅湘盡三年客始回
夏雲隨北帆同日過江來水

漫荆門出山平郢路開比肩羊叔子千載豈無才

湘州北亭

人務南亭少風煙北院多山花迷徑路池水拂藤蘿萍

散魚時躍林幽鳥任一作歌悠然白雲意乘興抱琴過

荆州亭入朝

巫山雲雨峽湘水洞庭波九辨人猶擯三秋鴈始過旃

裘吳地盡鬢薦楚言多不果朝宗願其如江漢何

岳州守歲

除夜清樽滿寒庭燎火多舞衣連臂拂醉坐合聲歌至

樂都忘我與心自委和今年只如此來歲知如何

詠塵

仙浦生羅襪神京染素衣裨山期益峻照日幸增輝夕
伴龍媒合朝遊鳳輦歸獨憐范甌下思繞畫梁飛

劍水齋闕題

婚禮知無賀承家歎有輝親迎驥子躍吉兆鳳雛飛溫
席開華扇梁門換襲衣遙思桃李日應賦採蘋歸

巫山雲深渡驛

旅泊青山夜荒庭白露秋洞房懸月影高枕聽江流猿
響寒巖樹螢飛古驛樓他鄉對搖落併覺起離憂

入都南惠文太子挽歌二首

碣館英靈在瑤山美謚尊剪桐悲曩戲攻玉愴新恩宮
仗傳馳道朝衣送國門千秋穀門外明月照西園

梁國深文雅，淮王愛道仙。
帝歡同宴日，神奪上賓年。
旒旒飛行樹，帷宮宿野煙。
指言君愛弟，揮淚滿山川。

節義太子楊妃挽歌二首

西華三公族，東闈五可才。
玉環初受慶，金珮反逢災。
桂殿花空落，桐園月自開。
朝雲將暮雨，長繞望思臺。

昔日三朝路，逶迤四望車。
繡腰長命綺，隱髻連枝花。
今春戾園樹，索然無歲華。
共傷千載後，惟號一王家。

韋譙公挽歌二首

五瑞分王國，雙珠映后家。
文飛書上鳳，武結笥中蛇。
出豫榮前馬，迴鸞喪後車。
袞衣將錫命，泉路有光華。

國騁雙騏驎，庭儀兩鳳皇。
將星連相位，玉樹伴金鄉。
歌

舞侯家豔軒裘戚里光安知杜陵下碑版已相望

右丞相蘇公挽歌二首

王宰丹青化春卿禮樂才緇衣傳舊職華袞贈新哀路
泣羣官送山嘶駟馬迴佳辰無白日賓閣有青苔

門一作

歌出野田冠帶寢窮泉萬事皆身外平生尚目前

西垣紫泥緯東岳白雲篇自惜同聲處從今遂絕弦

崔尚書挽詞

相宅隆

一作當

坤寶承家占海封庭中男執雁門外女乘龍

鳴玉遊三省縱金侍九重一朝賓客散留劔在青松

右侍郎

一作當侍

集賢院學士徐公挽詞二首

才美臨淄北名高淮海東羽儀三省遍漁獵五車通玉

殿孤新榜珠英落舊叢徒懸一寶劔何處訪徐公
歎息書林友才華天下選並賦三陽宮集詩集賢殿具
物衣如在咄嗟長不見既哀薤露詞豈忘平生眷

崔司業挽歌二首

海岱英靈氣膠庠禮樂資風流滿天下人物擅京師疾
起揚雄賦魂遊謝客詩從今好文主遺恨不同時
象設存華館威儀下墓田鳳池傷舊草麟史泣遺編帷
蓋墟煙没干旌隴日懸古來埋玉樹流恨滿山川

李工部挽歌三首

錦帳爲郎日金門待詔時楊宮先上賦柏殿幾連詩瞬
息琴歌斷淒涼簫挽悲那堪霸陵岸回首望京師

宅兆西陵上平生雅志從城臨丹闕近山望白雲重會
葬知元伯看碑識蔡邕無由接神理揮涕向青松
常時好賓客永日對弦歌是日歸泉下傷心無奈何墓
庭人已散祭處鳥來過碑石生苔蘚榮名豈復多

贈工部尚書馮公挽歌三首

忠鯁難爲事平生盡畏途如弦心自直秀木勢恒孤詔
葬南陵道神遊北斗樞貴門傳萬石餘慶在雙珠
爵位題龍旒威儀出鳳城路傍人泣送門外馬嘶迎萬
事非吾有千悲是世情昔焉稱夏日今也謚冬卿
窅然長夜臺舉世可哀哉泉戶一朝閉松風四面來石
碑填駁蘚珠服聚塵埃誰言一作遠東鶴千年往復迴

徐高御挽歌

蒲密遙千載鳴琴始一追公卿傳世範仁義續靈基不
待南遊祿何先北帝期玉棺從此閉金鼎代相欺

奉和聖製春日幸望春宮應制

別館芳菲上苑東飛花澹蕩御

一作舞

筵紅城臨渭水天河

靜

一作近

闕對南山雨露

一作雲霧

通繞殿流鶯凡幾樹當蹊亂蝶

許多叢春園既醉心和樂共識皇恩造化同

侍宴隆慶池應制

靈池月滿直城隈黻帳天臨御路開東沼初陽疑吐出
南山曉翠若浮來魚龍百戲紛容與鳧鷖雙舟較泝洄

願似金隄青草馥

一作色

長承瑤水白雲杯

奉和聖製春日出苑應制

一作矚目應令
一作明皇詩

禁林豔裔發青陽春望逍遙出畫堂
雨洗亭臯千畝綠風吹梅李一園香
鶴飛不去隨青管魚躍翻來入綵航
睿賞歡承天保定邁文更覩日重光

扈從溫泉宮獻詩

溫泉啓蟄氣氤氳涓浦歸鴻日數羣
騎仗聯聯環北極鳴笳步步引南熏
松間彩殿籠佳氣山上朱旗繞瑞雲
不知遠夢華胥國何如親奉帝堯君

三月三日詔宴定昆池宮一作宮莊賦得筵字

鳳皇樓下對

一作帶

天泉鸚鵡洲中匝

一作雜

管弦舊識平陽佳

麗地今逢上巳盛明年舟將水動千尋日幕共林橫兩

岸煙不降王人觀禊飲誰令醉舞拂賓筵

團圓盡先天應令

三陽麗景早芳辰四序嘉園物候新梅花百般障行路
垂柳千條暗迴津鳥驚直為飛風葉魚躍都由怯岸人
唯願聖主南山壽何愁不賞萬年春

舞馬千秋萬歲樂府詞三首

按唐禮樂志明皇嘗以馬百匹盛飾分左右施三重

榻舞傾杯數十曲壯士舉榻馬不動樂工少年姿秀者十數人衣黃衫文玉帶立左右每千秋節舞于勤政樓下千秋節者明皇以

八月五日生因以其日名節云

金天誕聖千秋節玉醴還分萬壽觴試聽紫騮歌樂府

何如駮驥舞華岡一作鶴連騫勢出魚龍變躩蹠驕生鳥獸

行歲歲相傳指樹日翩翩來伴慶雲翔

聖皇至德與天齊
天馬來儀自海西
腕足徐行拜兩膝
繁驕不進踏千蹄
髮髻奮鬣時躡踏
鼓怒驤身忽上躋
更有銜杯終宴曲
垂頭掉尾醉如泥
遠聽明君愛逸才
玉鞭金翅引龍媒
不因茲白人間有
定是飛黃天上來
影弄日華相照耀
噴含雲色且徘徊
莫言闕下桃花舞
別有河中蘭葉開

同趙侍御巴陵早春作

江上春來早可觀
巧將春物一作色妬餘寒
水苔共繞留鳥
石花鳥爭開鬪鴨欄
佩勝芳辰日漸暖
然燈美夜月初
圓意隨北雁雲飛去
直待南州蕙草殘

灩湖山寺

空山寂歷道心生
虛谷迢迢野鳥聲
禪室從來塵外賞
香臺豈是世中情
雲間東嶺千尋一作重出樹裏
南湖一片明
若使巢由知此意
不將蘿薜易簪纓

幽州新歲作

去歲荆南梅似雪
今年薊北雪如梅
共知人事何常定
且喜年華去復來
邊鎮戍歌連夜動
京城燎火徹明開
遙遙西向長安日
願上南山壽一杯

屏舒

全唐詩
卷之三
八
月言

二鞭金

西由身安日醜王南山喜一沐

此言平聲未與水豐餘也

亦無備南時外

將春物一作姤

作

姤

即蒼動巢由賦幽意不秋蕪蕪是替懸然燈美夜月初

香臺豈長世中翻雲間東麓千嘉譚幽樹裏南陔一

空山寐翹遊心至盡谷並遊裡魚聲聒室發來壑水賞

全唐詩
張說

望張說

扈從幸韋嗣立山莊應制

并序

嵐氣入野榛煙出谷魚潭竹岸松齋藥碗虹泉電

射雲木虛吟恍惚疑夢間關忘術茲所謂丘壑夔

龍衣冠巢許也

寒灰飛玉琯湯井駐金輿既得方明相還尋大隗居懸

泉珠貫下列帳錦屏舒騎遠林逾密笳繁谷自虛門旗

塹複磴殿幕裏一作裏通渠舞鳳迎公主雕龍賦一作起婕妤地

幽天賞洽酒樂御筵初非才叨侍從連藻媿應徐先一日太平公

主上官昭容題詩數首故詩有舞鳳雕龍之句

奉和聖製喜雪應制

聖德與天同封巒欲報功詔書期日下靈感應時通觸
石雲呈瑞含花雪告豐積如沙照月散似麪從風舞集
仙臺上歌流帝樂中遙知百神喜灑路待行宮

奉和聖製寒食作應制

寒食春過半花穠鳥復嬌從來禁火日會接清明朝鬪
敵雞殊勝爭毬馬絕調晴空數雲點香樹百風搖改木
迎新燧封田表舊燒皇情愛嘉節傳曲一作與簫韶

奉和聖製賜崔日知往潞州應制

聖情留一作垂曩鎮佳氣翊興王增戟雄都府高車轉太常
川橫八練濶山帶五龍長連帥初恩命天人舊紀綱餞

塗飛御藻闔境自生光明主徵循吏何年下鳳皇

聖政惟稽古賓閣引上才坊因購書立殿爲集賢開髦
彥星辰下仙章日月回字如龍負出韻是鳳銜來庭柳
餘春駐宮鶯早夏催喜承芸閣宴幸奉柏梁杯

青林古奉和聖製花萼樓下宴應制

萬心翹樂宴三舍緩昌時山接夏雲險臺留春日遲節
移芳未歇興隔賞仍追醉後傳嘉惠樓前舞聖慈皇恩
與時合天意若人期故發前旬雨新垂湛露詩

和聖製度蒲關應制

蒲坂橫臨晉華芝曉望秦關城雄地險橋路扼天津樓

映行宮日隄含宮樹春黃雲隨寶鼎紫氣逐真人東詠
唐虞跡西觀周漢塵山河非國寶明主愛忠臣

與和八奉和聖製途經華嶽應制

西嶽鎮皇京中峰入太清玉鑿重嶺應緹綺薄雲迎霽
日懸高掌寒空類削成軒遊會神處漢幸望仙情舊廟
青林古新碑綠字生羣臣願封岱還駕勒鴻名

倫春魏奉和聖製過王濬墓應制

牛斗三分國龍驤一統年智高寧受制風急肯迴船有
策擒吳語無言讓范宣援孤因勢屈功重爲讒偏舊迹
灰塵散枯墳故老傳百代逢明主何辭死道邊

聖製奉和聖製經河上公廟應制

河上無名老知非漢代人先探道德要留待聖明辰玄
妙爲天下清虛用谷神化將和氣一風與太初鄰靈廟
觀遺像仙歌入至真皇心齊萬物何處不同塵

奉和聖製幸鳳湯泉應制

周狩聞岐禮秦都辨雍名獻禽天子孝存老聖皇情溫
潤宜冬幸遊畋樂歲成湯雲出水殿暖氣入山營坎意
無私潔乾心稱物平帝歌流樂府溪谷也增榮

恩賜樂遊園宴

漢苑佳遊地軒庭近侍臣共持榮幸日來賞豔陽春饌
玉頌王篚掞金下帝釣池臺草色徧宮觀柳條新花綬
光連榻朱顏暢飲醇聖朝多樂事天意每隨人

三月二十日

一作三日

詔

一作恩

宴樂遊園賦得風字

樂遊形勝地

一作絕

表裏望郊宮北闕連天

一作雲

頂南山對掌

中皇恩

一作情

貸芳月旬宴美成功魚戲芙蓉水鶯啼楊柳

風春光看欲暮天澤戀無窮長袖招斜日留光待曲終

赴集賢院學士上賜宴應制得輝字

侍帝金華講千齡道固稀位

一作任

將賢士設書共學徒歸

首命深燕隗通經淺漢韋列筵榮賜食送客愧儒衣賀

燕窺簷下遷鶯入殿飛欲知朝野慶文教日光輝

端午三殿侍宴應制探得魚字

小暑夏弦應徽

一作音

商管初

願齋

一作齊

長命縷來續大恩

餘三殿褰珠箔羣官上玉除助陽嘗麥晁順節進龜魚

甘露垂天酒芝花一作盤捧御書合丹同
蠲蜒灰骨共蟾蜍
今日傷蛇意銜珠遂闕如

奉和聖製春中興慶宮酺宴應制

千齡逢啓聖萬域共來威
慶接郊禋後酺承農事稀
御樓橫廣路天樂下重闈
鸞鳳調歌曲虹霓動舞衣
合聲雲上聚連步月中歸
物覩恩無外神和道入微
鎬京陪樂飲柏殿奉文飛
徒竭秋雲影何資春日暉

奉和聖製千秋節宴應制

五德生王者千齡啓聖人
赤光來照夜黃雲上覆晨
海縣銜恩久朝章獻舞一作壽
新高居帝座出夾道衆官陳
櫟杖洗清景磬管凝秋旻
珠囊含瑞露金鏡抱仙輪
何歲

無鄉飲何田不報神薰歌與名節傳代幸羣臣

奉和聖製太行山中言志應制

六龍鳴玉鑿九折步雲端河絡南浮近山經北上難羽
儀映松雪戈甲帶春寒百谷晨笳動千巖曉仗攢皇心
感韶節敷藻念人安既立省方館復建禮神壇扈蹕參
天老承榮忝夏官長勤百年意思見一勝殘

奉和御製與宋璟源乾曜同日上官命宴東堂

賜詩應制

大塊鎔羣品經生偶聖時猥承三事命虛忝百僚師右

揆謀華碩

一作實

前星傳重資連鸞求舊禮濫典

一作詩樂賢詩

賜筵同榮拜擬金宴宰司菊花吹御酒蘭葉捧天詞寶

歷休明盛頽年晷漏衰少留青史筆未敢赤松期

奉和聖製暇日與兄弟同遊興慶宮作應制

漢武橫汾日周王宴鎬年何如造區夏復此睦親賢巢
鳳新成閣飛龍舊躍泉棣華歌尚在桐葉戲仍傳禁籟
氛埃隔平臺景物連聖慈良有裕王道固無偏問俗兆
人阜觀風五教宣獻圖開益地張樂奏鈞天侍酒一作衢
樽滿詢芻諫鼓懸永言形友愛為國共周旋

奉和聖製送王峻巡邊應制

六月歌周雅三邊遣一作論夏卿欲施政戰法先作簡稽行

禮樂知謀帥春秋識用兵一勞堪定國萬里即長城策
有和戎利威傳破虜名軍前雨灑道樓上月臨營別藻

瑶華降同衣錦褫榮關山由義近戎馬一作中為恩輕絲竹
路傍散風雲馬上生朝廷謂吉甫邦國望君平

將赴朔方軍應制

禮樂逢明主韜鈴用老臣恭憑神武策遠御一作靜鬼方人

供帳榮恩饒山川喜詔巡天文日月麗朝賦管弦新幼

志傳三略衰材謝六鈞膽由忠一作心固一作故道為鄰

漢保河南地胡清塞北塵連年大軍後不日小康辰劔

舞輕離別歌耐忘苦辛從來思博望許國不謀身

奉和聖製爰因巡省途次舊居應制

葱鬱興王郡殷憂啓聖圖周成會西土漢武幸南都歲

卜鑾輿邁農祠鳩政敷武威稜外域文教靡中區警蹕

干戈捧朝宗萬玉趨舊藩人事革新化國容殊壁有真
龍畫庭餘鳴鳳梧叢觴祝堯壽合鼎獻湯厨陽樂寒初
變春恩蟄更蘇三者頒命服五稔復田輸君賦大風起
人歌湛露濡從臣觀玉葉方願紀靈符

宿直溫泉宮羽林獻詩

冬狩美秦正新豐樂漢行星陳玄武閣月對羽林營寒
木羅霜仗空山響夜更恩深一作承靈液暖節勁一作效古松貞
文武皆王事輸心不爲名

玄武門侍射

并序

開元之初季冬其望天子始御北闕朝羽林軍禮
修事厥後二日乃命紫微黃門九卿六事與熊羆

之將爪牙之臣合宴焉侑以純錦頌以珍器爾其
射棚新成布侯旣設禦仗林立帷軒霧布衆官半
醉皇情載悅卷珠箔臨玉除唐弓在手夏箭斯發
應弦命一作屢中屬羽連飛弧矢以來未之有也若夫
天地合道星辰獻儀端視和容內正外直自近而
制遠耀威而觀德無不通神無不極用是射也其
惟聖人乎于時繁雲覆城大雪飛苑天人同澤上
下交歡退食懷恩賦詩頌義凡若干篇

射觀涌玄闕兵欄闢御筵雕弧月半上畫的暈重圓羿
后神幽贊靈王法暗傳貫心精四返飲羽妙三聯雪鶴
來銜箭星麟下集弦一逢軍宴洽萬慶武功宣

扈從南出雀鼠谷

豫動三靈贊時巡四海威陝

一作破

關凌曙出平路半春歸

霍鎮迎雲罽汾河送羽旂山南柳半密谷北草全稀遲

日宜華蓋和風入袷

一作彩

衣上林千里近應見百花飛

今鼎賦洛橋北亭詔餞諸刺史

離亭拂御溝別曲舞船樓詔餞朝廷牧符分海縣憂股

肱還入郡父母更臨州扇逐仁風轉車隨霖

一作靈

雨流恩

光水上溢榮色柳間浮預待羣方最三公不遠求

東都酺宴

堯舜傳天下同心致太平吾君內舉聖遠合至公情錫

命承丕業崇親享大名二天資廣運兩曜益齊明道暢

昆蟲樂恩深朽蠹榮皇輿久西幸留鎮在東京合宴于
宮入分曹百戲呈樂來嫌景遽酒著訝寒輕喜氣連雲
閣歡呼動洛城人間知幾代今日見河清

來水土奉酬韋祭酒嗣立偶遊龍門北溪忽懷驪山別

業呈諸留守之作

一本無上七字

風轉車前

石澗泉虛落松崖路曲迴聞君北溪下想像南山隈近
念鼎湖別遙思雲嶂陪不同奇覲往空覲斯文來歲後
寒初變春前芳未開黃蕤嫋岸柳紫萼一作萼折邨梅盡室
茲遊玩盈門幾樂哉嗟留洛陽陌夢詣建章臺野失巢
由性朝非元凱才布懷欽遠迹幽意日塵埃

奉酬韋祭酒自湯還都經龍門北溪莊見貽之

作

聞君湯井至瀟灑憇郊林拂曙攜清賞披雲覲一作親綠岑

歡言遊覽意欸曲望歸心是日期佳客同山忽異尋桃

花迂一作綠路轉楊柳間門深泛舟伊水漲繫馬香樹陰繁

弦弄水族嬌吹狎沙禽春滿汀色媚景斜嵐氣侵懷仁

殊未遠重德匪專臨來藻敷幽思連詞報所欽

酬崔光祿冬日述懷贈答

并序

太極殿衆君子分司洛城自春涉秋日有遊討旣

而韋公出守茲樂便廢頃因公讌方接詠言崔光

祿述志論文首貽雅唱諸公嘉德敘事咸有報章

若夫盛時榮位華景勝會此四者古難一遇而我

輩比實兼之至于精言探道妙識發義戲謔而逢
規戒指諷而見師表益過三友豈易得乎謂膏澤
傍潤芝蘭久襲韋公近之矣以文會友以友輔仁
崔公近之矣其餘尋聲響答望形影赴故亦浚碧
池之漣漪增瑤林之沃若是用綴集勒成一卷永
存几閣之玩無忘歡好之時焉

徐陳嘗並作枚馬亦同時各負當朝譽俱承明主私夫
君邁前侶觀國騁奇姿山似鳴威鳳泉如出寶龜才雄
子雲筆學廣仲舒帷紫綬拂三寺朱門臨九達昔我含
香日聯爾縉雲司朝攜蘭省步夕退竹林期中路一分
手數載來何遲求友還相得羣英復在茲留臺少人務

方駕遞尋追涉玩懷同賞霑芳憶共持迎賓南澗飲載
妓東城嬉春郊綠畝秀秋澗白雲滋名畫披人物良書
討滯疑興來光不惜歡往迹如遺歲晏罷行樂層城間
所思夜魂燈處厭朝髮鏡前衰忽枉崔駟什兼流韋孟
詞曲高彌寡和主善代爲師齊戒觀華玉留連歎色絲
終慙起予者何足與言詩

同劉給事城南宴集

水竹幽閑地簪纓近侍臣雍容乘暇日瀟灑出囂塵樹
對思朋鳥池深入養鱗管弦高逐一作吹歌舞妙含春老
子叨專席歡邀隔縉紳此中情不淺遙寄賞心人

溫泉馮劉二監客舍觀妓

温谷寒林薄一作暮羣遊樂事多佳人蹀駿馬乘月夜相過

秀色然紅黛嬌香發綺羅鏡前鸞對舞琴裏鳳傳歌妬
寵傾新意銜恩奈老何為君留上客歡笑斂雙蛾

寄許八

萬類春皆樂徂顏獨不怡年來人更老花發意先衰乳
鵲穿壇畫巢蜂觸網絲平生美容色宿昔影中疑遠道
何由夢同心在者誰西風欲誰語憫默遂無詞

送蘇合宮頌

都邑羣方首商泉舊俗訛變風須愷悌成化佇弦歌疇
昔珪璋友雍容文雅多振纓遊省闈鏘玉宰京河別曲
鸞初下行軒雉尚過百壺非餞意流詠在人和

送喬安邑備

書閣移年歲文朋難復辭歡言冬雪滿恨別夏雲滋外
尹方爲政高明自不欺老人驂馭往童子狎雛嬉日茂
西河俗寂寥東觀期遙懷秀才令京洛見新詩

送趙二尚書彥昭北伐

虜地河冰合邊城備此時兵連紫塞路將舉白雲司提

劔榮中貴

一作賞

銜珠盛出師日華光

一作鮮

組東風色焰

一作豔

旌

旗投筆尊前起橫戈馬上辭梅花吹別引楊柳賦歸詩

石門別楊六欽望

燕人同竄越萬里自相哀影響無期會江山此地來暮
年傷泛梗累日慰寒灰潮水東南落浮雲西北回俱看

石門遠倚棹兩悲一作悠哉

南中送北使二首

傳聞合浦葉曾向洛陽飛何日南風至還隨北使歸紅

顏渡嶺歇白首對秋衰高歌何由見層堂一作臺不可違誰

憐炎海曲淚盡血沾衣

待罪居重譯窮愁暮雨秋山臨鬼門路城繞瘴江流人

事今如此生涯尚可求逢君入鄉縣傳我念京周別恨

歸一作經途遠離言暮景道夷歌翻守淚蘆酒未消愁聞有

胡兵急深懷漢國羞和親先是詐款塞果爲讐釋繫應

分爵蠲徒幾復侯廉頗誠未老孫叔且無謀若道馮唐

事皇恩尚可收

送趙順直

一作順真

郎中赴安西副大都督

一作護

絕鎮功難立，懸軍命匪輕。
復承遷一作還相後，彌重任賢情。
將起神仙地，才稱禮樂英。
長心堪繫虜，短語足論兵。
日授休門法，星教置障名。
龍泉恩已著一作署，燕頷相終成。
月窟窮天遠，河源入塞清。
老夫操別翰，承旨頌升平。

送宋休遠之蜀任

求友殊損益，行道異窮申。
綴我平生氣，吐贈薄遊人。
結恩事明主，忍愛遠辭親。
色麗成都俗，膏腴蜀水濱。
如何從宦子，堅白共緇磷。
日月千齡旦，河山萬族春。
懷鉛書瑞府，橫草事邊塵。
不及安人吏，能令王化淳。

岳州別梁六入朝

遠蒞長沙渚欣逢賈誼才江山疲應接風日復晴開江
樹雲間斷湘山水上來近洲朝鷺集古戍夜猿哀岸杵
舍蒼捩河蒲秀紫臺月餘偏地賞心盡故人杯自我違
京洛嗟君此泝洄容華因別老交舊與年頽夢見長安
陌朝宗實盛哉

相州冬日早衙

城外宵鐘斂閨中曙火殘朝光曜庭雪宿凍聚池寒正
色臨廳事疑詞定筆端除苛圖息伐枳吏人寬河內
功猶淺淮陽疾未安鏡中星髮變頓使世情闌

岳州西城

水國何遼曠風波遂極天西江三紀一作合南浦二湖連

危堞臨清境，煩憂暫豁然。
九圍觀掌內，萬象閱眸前。
日去長沙渚，浦一作山橫雲夢田。
汀葭變秋色，津樹入寒煙。
潛穴探靈詭，浮生揖聖仙。
至今人不見，跡滅事空傳。

岳州觀競渡

畫作飛鳧艇，雙雙競拂流。
低一作裝山色變，急棹水華浮。
土尚三閭俗，江傳二女遊。
齊歌迎孟姥，獨舞送陽侯。
鼓發南湖漲，一作標爭西驛樓。
並驅常詫速，非畏日光遒。

對酒行巴陵作

留侯封萬戶，園令壽千金。
本爲成王業，初由賦上林。
繁榮安足恃，霜露遞相尋。
鳥哭楚山外，猿啼湘水陰。
夢中城闕近，天畔海雲深。
空對忘憂酌，離憂不去心。

岳州宴姚紹之

并序

姚司馬往在柏臺每欽骨鯁及茲荒服偶得官聯
復有令弟美荀芬芳襲子山寺外廬幽深形勝童
冠是集歡言賦詩

杞梓滯江濱光華向日新難兄金作友媚子玉爲人山
水含秋興池亭借善鄰簷松風送靜院竹鳥來馴翠竿
吹黃菊凋盤鱸紫鱗緩歌將醉舞爲拂繡衣塵

岳州九日宴道觀西閣

搖落長年歎蹉跎遠宦心北風嘶代馬南浦宿陽禽佳
此黃花酌酎餘白首吟涼雲霾楚望濛雨蔽荆岑登眺
思清景誰將眷濁陰釣歌出江霧樵唱入山林魚以嘉

名采木爲美材侵大道由平悟逍遙匪外尋參佐
子詞華妙賞音留題一作洞庭觀望古意何添

岳州作

水國生秋草離居再及瓜山川臨洞穴風自望長沙物
土南州異關河北信賒日昏聞怪鳥地熱見修蛇遠人
夢歸路瘦馬嘶去家正有江潭月徘徊戀九華

遊洞庭湖

平湖曉望分仙嶠氣氛氳鼓柁乘清渚尋峰弄白雲江
寒天一色日靜水重紋樹坐參猿嘯沙行入鷺羣綠源
斑篠密罨徑綠蘿紛洞穴傳虛應楓一作林覺白熏雙童
有靈藥願取獻明君

巴丘春作

日出洞庭水春山挂斷霞江岑相映發卉木共紛華湘
戍南浮澗荆關北望賒湖陰窺魍魎丘勢辨巴蛇島戶
巢爲館漁人艇作家自憐心問景三歲客長沙

岳州夜坐

炎洲苦三伏永日臥孤城賴此閑庭夜蕭條夜月明獨
歌還太息幽感見餘聲江近鶴時叫山深猿屢鳴息心
觀有欲棄知返無名五十知天命吾其達此生

別澧湖

念別澧湖去浮舟更一臨千峰出浪險萬木抱煙深南
郡延恩渥東山戀宿心露花香欲醉時鳥轉餘音涉趣

皆留賞無奇不徧尋莫言山水間幽意在鳴琴

伯奴邊見歸田賦因投趙侍御亦入雜上京歌

爾家歎窮鳥

窮鳥用趙壹賦故曰爾家

吾族賦歸田

用張衡

莫道榮枯異同

嗟世網牽黃陵浮汨渚青草會湘川去國逾三歲茲山

老二年寒鴉鳴舍下昏虎臥籬前客淚堪斑竹離亭欲

贈荅放言以無次觸興感成篇

清遠江峽山寺

流落經荒外逍遙此梵宮雲峰吐月白一作日月石壁淡烟紅

一作虹

寶塔靈仙湧懸龕造化功

一作天

香涵竹氣虛唄引松

風簷牖飛花入廊房激水通猿鳴知谷靜魚戲辨一作見江

空靜默將何貴惟應心境同

春雨早雷

東北春風至飄飄帶雨來
拂黃先變柳點素早驚梅
樹藹懸書閣煙合作賦臺
河魚未上凍江蟄已聞雷
美人宵夢著金屏曙不開
無緣一啓齒空酌萬年杯

聞雨

窮冬萬花匝永夜百憂攢
危戍臨江火空齋入雨寒
斷猿知屢別嘶鴈覺虛彈
心對爐灰死顏隨庭樹殘
舊恩懷未報傾膽鏡中看

爾來幾赦歸在道中作

陳焦心息盡死意不期
生何幸光華旦流人歸
上京愁將網共解服與
代俱明復是正階正遠
逢四海平誰能

定禮樂爲國著功成

喜度嶺

東漢興唐曆南河復禹謀寧知瘴癘地生入帝皇州雷
雨蘇蟲蟄春陽放鸞鳩洄沿炎海畔登降閩山陬嶺路
分中夏川源得上流見花便獨笑看草即忘憂自始居
重譯天星一作心已再周鄉關絕歸望親戚不相求棄杖枯
還植窮鱗涸更浮道消黃鶴去運啓白駒留江妾晨炊
黍津童夜櫂舟盛明良可遇莫後洛城遊

全唐詩

張說

奉和聖製潼關口號應制

天德平無外，關門東復西。不將千里隔，何用一丸泥。

奉蕭令嵩酒并詩

已下三首俱賜宴東堂作

樂奏天恩滿，杯來秋興高。更蒙蕭相國，對席飲醇醪。

奉宇文黃門融酒

聖德垂甘露，天章下大風。又乘黃閣賞，願作黑頭公。

奉裴中書光庭酒

西掖恩華降，南宮命席闡。詎知雞樹後，更接鳳池歡。

清夜酌

秋陰士多感雨息夜無塵清樽宜明月復有平生人

醉中作

醉後樂無極

一作無窮樂又作方知樂

勝未醉時動容皆是舞出

語總成詩

送梁知微渡海東

今日此相送明年此相待天上客星回知君渡東海

寄劉道士

真人降紫氣邀我丹田宮遠寄雙飛鳥飛飛不礙空

書一作答香能和尚塔

大師捐世去空餘法力在遠寄無礙香心隨到南海

被使在蜀

即今三伏盡尚自在臨邛歸途千里外秋月定相逢

正朝摘梅

蜀地寒猶暖正朝發早梅偏驚萬里客已復一作半年來

蜀道後期

客心爭日月來往預期程秋風不相待先至洛陽城

廣州江中作

去國年一作歲方晏愁心轉一作獨不堪離人與一作共江水終日向

西南

江中誦經

寶相歸懸解虛心暗在通澄江明月內應是色成空

江中遇黃領子劉隆

危石江中起孤雲嶺上還相逢皆得意何處是鄉關

欽州守歲

故歲今宵盡新年明日來愁心隨斗柄東北望春回

岳州守歲二首

夜風吹醉舞庭戶對酣歌愁逐前年少歡迎今歲多
桃枝堪辟惡爆竹好驚眠歌舞留今夕猶言惜舊年

元朝

一本題作
幽州元月

今歲元日

一作元日
今歲

樂不謝往

一作去

年春知向來心道誰為昨

夜人

耗磨日飲二首

耗磨傳茲日縱橫道未宜但令不忌醉翻是樂無為

上月今朝減流傳耗磨辰還將不事事同醉俗中人

又一本此首同前
第一首為二首

春來半月度俗忌一時閑不酌他鄉酒惟堪對楚山

九日進茱萸山詩五首

家居洛陽下舉目見嵩山刻作茱萸節情生造化間

黃花宜泛酒青嶽好登高稽首明廷內心為天下勞

菊酒攜山客萸囊繫牧童路疑隨大隗心似問鴻蒙

九日重陽數三秋萬實成時來謁軒后一作石罷去坐蓬瀛

晚節歡重九高山上五千醉中知遇聖夢裏見尋仙

岳州看黃葉

白首看黃葉徂顏復幾何空慙棠樹下不見一作未政成歌

嶺南送使二首

獄中生白髮嶺外罷紅顏古來相送處凡得幾人還
萬里投荒裔來時不見親一朝成白首看取報家人
八日重傷妓人董氏四首

董氏嬌嬈性多爲窈窕名人隨秋月落韻入擣衣聲
粉藥粘妝簾金花竭翠條夜臺無戲伴魂影向誰嬌
舊亭紅粉閣宿處白雲關春日雙飛去秋風獨不還
舞席沾殘粉歌梁委舊塵獨傷窗裏月不見帳中人

三月閨怨

三月時將盡空房妾獨居蛾眉愁自結鬢髮沒情梳

破陳樂詞三首

樂苑曰商調曲也唐太宗所造
明皇又作小破陳樂亦舞曲也

漢兵出頓金微照日光明鐵衣百里火旂宿焰千行雲
騎霏霏蹙踏遼河自竭鼓譟燕山可飛正屬四方朝賀
端知萬舞皇威
少年膽氣凌雲共許驍雄出羣匹馬城西挑戰單刀薊
北從軍一鼓鮮卑送款五餌單于解紛誓欲成名報國
羞將開閣論勲

舞馬詞六首

萬玉朝宗鳳宸千金率領龍媒眄鼓凝驕躩蹠聽歌弄

影徘徊

聖代昇平樂

天鹿遙徵衛叔日龍上借羲和將共兩駮爭舞來隨八

駿齊歌

聖代昇平樂

綵旄八佾成行時龍五色因方屈膝銜杯赴節傾心獻

壽無疆

四海和平樂

帝阜龍駒沛艾星蘭驥子權奇騰倚驤洋應節繁驕接

迹不移

四海和平樂

二聖先天合德羣靈率土可封擊石駟驪紫燕縱金顧

步蒼龍

四海和平樂

聖君出震應籙神馬浮河獻圖足踏天庭鼓舞心將帝

樂躡躡

四海和平樂

奉和三日袂渭濱應制

青郊土已豔陽年紫禁皇遊袂渭川幸得歡娛承湛露

心向草樹樂春天

桃花園馬上應制

林間豔色驕天馬苑裏穠華一作伴麗人願逐南風飛帝

席年年含笑舞青春

奉和聖製幸韋嗣立山莊應制

西京上相出扶陽東郊別業好池塘自非仁智符天賞
安能日月共回光

奉和聖製同玉真公主遊大哥山池題石壁

池如明鏡月華開山學香爐雲氣來神藻飛為鶴鴿賦
仙聲颺出鳳皇臺

十五日夜御前口號踏歌詞二首

花萼樓前雨露新長安城裏太平人龍銜火樹千重一作

燭雞踏一作

蓮花萬歲

一作春

帝宮三五戲春臺行兩流風莫妬來西域燈輪千影合
東華金闕萬重開

蘇摩遮五首

摩遮本出海西胡琉璃寶服紫髯鬚聞道皇恩遍一作宇

宙來將歌舞助歡娛億歲

繡裝帕一作額寶花冠夷歌騎一作舞借人看自能激水成

陰氣不慮今年寒不寒億歲

臘月凝陰積帝臺一作歌急鼓送寒來油囊取得天河

水將添上壽萬年杯億歲

寒氣宜人最可憐故將寒水散庭前惟願聖君無限壽

長取新年續舊年

億歲樂

昭成皇后帝

一作

家親榮樂諸人不比倫往日霜前花委

地今年雪後樹逢春

億歲樂

三月三日定昆池奉和蕭令得潭字韻

暮春三月日重三春水桃花滿襖潭廣樂逶迤天上下

仙舟搖衍鏡中酣

和尹從事悉泛洞庭

平湖一望上

一作水望

連天林景千尋下洞泉忽驚水上光華

滿疑是乘舟到日邊

送梁六自洞庭山作

巴陵一望洞庭秋日見孤峰水上浮聞道神仙不可接

心隨湖水共悠悠

同趙侍御望歸舟

山庭迴迴面長川江樹重重極遠煙形影相追

一作隨

高翥

鳥心腸併斷北風

一作飛

船

襄陽路逢寒食

去年寒食洞庭波今年寒食襄陽路不辭著處尋山水

祇畏還家落春暮

附

詠方圓動靜示李泌

詳見泌集

方如棋局圓如棋子動如棋生靜如棋死

全唐詩

張均

張均說長子開元中歷官大理卿受祿山僞命為中書令肅宗立免死長流合浦集二十卷今存詩七首

和尹忭登南樓

客來已兩春更瞻韶光早花鳥既環合江山復駢抱樓形寫北潭堞勢凌青島白雲謝歸鴈馳懷洛陽道

江上逢春

離憂耿未和春慮忽蹉跎擇木猿知去尋泥燕獨過驚花飜霽日垂柳拂煙波激意屢怡賞無如鄉念何

九日巴丘登高

一作父
說詩誤

容心驚暮序賓鴈下滄洲共賞重陽節言尋戲馬遊湖
風扶戍柳江雨暗山樓且酌東籬酒聊祛南國憂

和尹懋秋夜遊澧湖二首

遠水沈西日寒沙聚夜鷗平湖乘月滿飛棹接星流黃
葉鳴淒吹蒼葭掃暗洲願移滄浦賞歸待潁川遊
灣潭幽意深杳靄涌寒岑石痕秋水落嵐氣夕陽沈澄
徹天為底淵玄月作心青溪非大隱歸弄白雲潯

岳陽晚景

一作父說詩

晚景寒鷗集秋風旅鴈歸水光浮日出霞彩暎江飛洲
白蘆花吐園红柿葉稀長沙卑濕地九月未成衣

流合浦嶺外作

漳江西去火爲山炎徼南窮鬼作關從此更投入境外
生涯應在有無間

張垧

張垧說次子尚寧親公主拜駙馬都尉許於禁中置內
宅侍爲文章坐事出爲盧溪司馬入爲太常卿祿山亂
受僞相命死賊中詩一首

奉和岳州山城

一作張均詩

郡館臨清賞開一作局坐白雲訟虛棠戶曙觀靜竹簷曛

懸榻迎賓下趨庭學禮聞風傳琴上意遙向日華紛

豐聞月... 豐聞月... 豐聞月...

高靈堂

奉味岳州山... 奉味岳州山...

命... 命... 命...

文章坐... 文章坐... 文章坐...

天子尚... 天子尚... 天子尚...

聚能

五... 五... 五...

西去... 西去... 西去...

全唐詩

韋嗣立

韋嗣立字延構鄭州人第進士則天時拜鳳閣侍郎同
鳳閣鸞臺平章事神龍中爲修文館大學士與兄承慶
代相嘗於驪山構別業中宗臨幸令從官賦詩自爲製
序因封爲逍遙公睿宗時拜中書令開元中謫岳州別
駕遷辰州刺史卒詩八首

偶遊龍門北溪忽懷驪山別業因以言志示弟

淑奉呈諸大僚

幽谷杜陵邊風煙別幾年偶來伊水曲溪嶂覺

一作依然

傍浦憐芳樹

一作木

尋崖愛綠泉嶺雲隨馬足山鳥向人前

地合心俱靜言因理自玄短才叨重寄尸祿愧妨賢每
挹挂冠侶思從初服旋稻梁仍欲報歲月坐空捐助岳
無纖塊輸溟謝末涓還悟北轅失方求南澗田

奉和九日幸臨渭亭登高應制得深字

層觀遠沈沈鸞旗九日臨一作行帷宮壓水岸步輦入煙岑

枝上萸新採樽中菊始斟願陪歡樂事長與歲時深

奉和張岳州王潭州別詩二首并序

予昔忝省閣與岳州張使君說潭州王都督熊同

官聯事後承朝諫各自東西張公與王都督別詩

二首情頗殷切余覽以嘆因遙申私云

茂先王佐才作牧楚江隈登樓正欲賦復遇仲宣來黃

鳴飛將遠雕龍文爲開寧知昔聯事聽曲有餘哀
昔時陪二賢纓冕會神仙一去馳江海相逢共播遷無
因千里駕忽覩四愁篇覽諷歡何已歡終徒愴然

奉和初春幸太平公主南莊應制

主第巖扃架鵲橋天門闔闔降鸞鑣歷亂旌旗轉雲樹
參差臺榭入煙霄林間花雜平陽舞谷裏鶯和弄玉簫
已陪沁水追歡日行奉茅山訪道朝

自湯還都經龍門北溪贈張左丞崔禮部崔光

祿

并序

僕自湯還都經龍門北溪莊宿張左丞崔禮部崔
光祿竝枉垂光顧數公宿敦道義雅尚林壑謂急

於幽尋故此命駕遂不知別有勝賞偶然相遇寒
暄未周神意已往雲霞之致蔑而不存逸轡放驅
清塵徒企歎不已而贈是詩

栖閑有愚谷好事枉朝軒樹接前驅擁巖傳後騎喧
簾出野院植杖候柴門旣拂林下席仍攜池上樽深期
契幽賞實謂展歡言末眷誠未易佳遊時更敦俄看嘯
儔侶各已共飛騫延睇盡朝日長懷通夜魂空聞岸竹
動徒見浦花繁多愧春鶯曲相求意獨存

酬崔光祿冬日述懷贈答

并序

光祿崔卿公懷通識濟時良具材器耽圖籍愛林
泉不遺琴詠門多長者善與人交僕忝臺閣早經

聯事雖幸揖風采而不接殷勤崔公以雅道自居
未嘗至偃之室及僕積抱羸疾屢期放退朝廷恩
假職以優閑多取急歸林服餌爲事門堪羅崔庭
見狎鷗崔公則多存訪不避風雨方知向時迹也
今晨情也蘭菊春秋自芳竹柏歲寒無變僕敬之
重之故不能忘也嘗談及詞翰頗申倚撫忽枉贈
章因以投報云爾

亭伯負高名羽儀稱上京魏珠能燭乘秦璧許連城六
月飛將遠三冬學已精洛陽推賈誼江夏貴黃瓊推演
中都術旋參河尹聲累遷登御府移拜踐名卿庭聚歌
鍾麗門羅綵戟榮鸚鵡杯飛廣席獸火列前楹散誕林園

意殷勤敬愛情無容抱衰疾良宴每招迎契得心逾重
言忘道益真相勗忠義節共談詞賦英雕蟲曾靡棄白
鳳已先鳴光接神愈駭音來味不成短歌甘自思鴻藻
彌難濟東里方希潤西河敢竊明厚誣空見迫喪德豈
無誠端守宮闈地寒煙朝暮平顧才無術淺懷器識憂
盈月下對雲闕風前聞夜更昌年雖共偶歡會此難并
爲憐漳浦曲沈痼有劉楨

上巳日袂渭濱應制

乘春袂袂逐風光扈蹕陪鑾渭渚傍還笑當時水濱老
衰年八十待文王

魏奉古

魏奉古制舉擢第授雍丘尉強記一覽便諷人稱爲聰
明尉終兵部侍郎詩一首

奉酬韋祭酒偶遊龍門北谿忽懷驪山別業因
以言志示弟淑奉呈諸大僚之作

有美朝爲貴幽尋地自偏踐臨伊水洊想望灞池邊是
遇皆新賞茲遊若舊年藤蘿隱路接楊柳御溝聯道愜
神情王機忘俗理捐遂初誠已重兼濟實爲賢跡是東
山戀心惟一作仍北闕懸顧慙經拾紫多謝賦思玄未躡一作躡
中林步空承麗一作上藻傳陽春和已寡扣寂竟徒然紀事云龍門北

溪章嗣立山居在焉諸公賦詩奉古時預酬唱之末張說序崔暉贈詩云二公述志論文首貽雅唱其餘尋聲響蒼翠形影赴故亦峻碧池之漣漪增瑤林之沃若蓋奉古之徒是也

崔日知

崔日知字子駿日用從父兄也有吏幹景雲中爲洛州司馬以討譙王重福功累遷京兆尹爲御史李如璧所劾左遷歙縣丞後爲太常卿自以歷任年久每朝士叅集常與尚書同列時人號爲尚書裏行詩二首

奉酬韋祭酒偶遊龍門北谿忽懷驪山別業因以言志示弟淑并呈諸大僚之作

夙齡秉微尚中年忽有鄰以茲山水癖遂得狎一作學通人

迨我感一作南京道聞君別一作北業新巖前窺石鏡河畔踏芳

茵旣憐伊浦綠復憶灞池春連詞謝家子同歡冀野賓

趣閑魚共樂情洽鳥來馴一作誰念昔遊者祇命獨留秦

蕭條穎陽戀冲漠漢陰真無由陪勝躅空此翫書筠

冬日述懷奉呈韋祭酒張左丞蘭臺名賢

弱齡好經籍披卷即怡然覃精四十載馳騁數千言孔

壁採遺篆一作帙周韋考絕編袁公論劔術孫子叙兵篇魯

史君臣道姬書日月懸從師改炎燠負笈遍山川上異

西河夏中非北海玄光榮拾青紫名價接通賢既重萬

鍾樂寧思二頃田長戟同分虎高冠一作互附蟬晚懷重

虛曠養志息雕鐫登高慚思拙匠物謝情妍不慕張平

子寧希一作思王仲宣誰謂登龍日翻成刻鵠年循循勞善

誘軋軋思微牽琢磨才既竭鑽仰德彌堅朽木誠為諭

捫心徒自憐終期吞鳥夢振翼上雲煙賦成先擲地詞

卷之五 雜詩 雜詩五首 雜詩五首 雜詩五首

高直揆天更執樞衣禮仍開函文筵霧披槐市藹水靜
璧池圓願逐從風葉飛舞翰林前

崔泰之

崔泰之鄆陵人以職方郎中預誅二張開元中官工部
尚書詩三首

奉酬韋嗣立祭酒偶遊龍門北谿忽懷驪山別

業因以言志示弟淑奉呈諸大僚之作

關塞臨伊水驪山枕灞川俱臨隱路側同在帝城邊謝
公兼出處攜妓玩林泉鳴鶻噴梅雪飛蓋曳松煙聞琴
幽谷裏看奕古巖前落日低幃帳歸雲繞管弦叨榮慚
北闕微尚愛東田寂莫灰心盡蕭條塵事捐朝思登嶰

絕夜夢弄潺湲宿懷南澗意况覩北谿一作巖篇

同光祿弟冬日述懷

并序

韋祭酒張左丞二公竝廊廟偉才朝廷舊相咸光
首和殊為佳作輒繼陽春深增愧悚

韋祭酒嗣立張左丞說光祿日知也

吾族白眉良才華動洛陽觀光初入仕應宿始為郎飛
螢翫書籍白鳳吐文章海卿逾往雅河尹冠前張擇才
綏鄢郢殊化被江湘高樓臨廣陌甲第敞通莊列館邛
山下疏亭洛水傍昌年賞豐陌暇日悅林塘衣冠皆秀
彥一作茂羅綺盡名倡隔岸聞歌度臨池見舞行門庭寒變
色祭戟日一作自生光窮陰方爨黷殺氣正蒼茫感時興盛
作晚歲共多傷積德韋丞相通神張子房吟草徧簪紱

逸韻合宮商功名守留省濫迹在文昌家園遙可見臺
 寺近相望無庸乘侍謁有暇共翱翔棣華依雁序竹葉
 拂鸞觴水坐憐秋月山行弄晚芳恩華慙服冕友愛勗
 垂堂無由報天德相顧詠時康

紀事云泰之時以禮部居洛故與嗣立說日知數有酬唱

奉和聖製送張尚書巡邊

南庭胡運盡北斗將星飛旗鼓臨沙漠旌旄

一作旗

出洛

畿關山遶玉塞烽火映金微屢獻帷謀策頻承廟勝威
 躑躅臨河騎逶迤度隴旂地脉平千古天聲振九圍車
 馬生邊氣戈鋌駐落暉夏近蓬猶轉秋深草木一作腓
 送紆天什恩榮賜御衣佇勒燕然頌鳴騶計日歸

魏知古

魏知古深州人性方直有才名弱冠舉進士長安中歷
鳳閣舍人神龍初擢吏部侍郎睿宗即位以藩邸故吏
召拜黃門侍郎遷散騎常侍同平章事開元初改紫微
令終工部尚書所薦洹水令呂太一蒲州司功參軍齊
澣內率騎曹參軍柳澤密尉宋遙左補闕袁暉右補闕
封希顏伊闕尉陳希烈皆爲聞人宋璟嘗稱曰叔向古
之遺直子產古之遺愛能兼之者其在魏公集七卷今
存詩五首

春夜寓直鳳閣懷羣公

一本題上有和中書侍郎楊再思八字

拜門傳漏晚寓直索居時昔重安仁賦今稱伯玉詩鴛
池滿不溢雞樹久逾滋夙夜懷山甫清風詠所思

伯玉齊下伯玉

也有赴中書郎詩云大方信包含優渥遂不已濯鱗龍鳳池揮翰紫宸裏

奉和春日途中喜雨應詔

皇輿一作向洛城時雨應天行麗日登巖送陰雲出野迎

濯枝林杏發潤葉渚蒲生絲入綸言喜花依錦字明微

臣忝東觀載筆佇西成

從獵渭川獻詩

舊唐書本傳云先天元年冬上畋于渭川知古獻詩以諷手詔褒之曰言頃向溫泉觀省風俗

時因暇景掩渭而畋方開一面之羅武展三驅之禮躬親校獵聊以前禽豈意卿有箴規輔余不逮今賜物五十段用申勸獎

嘗聞夏太康五弟訓禽荒我斥來冬狩三驅盛禮張順

時鷹隼擊講事武功揚奔走未及去翹飛豈暇翔非熊

從渭水瑞翟想陳倉此欲誠難縱茲遊不可常子雲陳

羽獵僖伯諫漁棠得失鑿齊楚仁思念禹湯雍熙亮在

宥亭毒匪多傷辛甲今爲史虞箴遂孔彰

玄元觀尋李先生不遇

羽客今何在空尋伊洛間忽聞歸苦縣復想入函關未
作千年別猶應七日還神仙不可見寂寞返蓬山